

November 2018

Oraisons

Follow this and additional works at: https://ecommons.udayton.edu/ul_rare_books




Part of the [Christianity Commons](#), and the [Liturgy and Worship Commons](#)

Recommended Citation

"Oraisons" (2018). *Rare Books*. 1.

https://ecommons.udayton.edu/ul_rare_books/1

This Book is brought to you for free and open access by the University Libraries at eCommons. It has been accepted for inclusion in Rare Books by an authorized administrator of eCommons. For more information, please contact frice1@udayton.edu, mschlangen1@udayton.edu.



CC6

K 2169
07

608-No. 265

St. Ambrose


Mot \$275.00

ORATIONS

BERT EMANUEL LIBRARY
University of Dayton
Dayton 9, Ohio

Accession number

103830



Uraison deuote que fist monse
saint ambrouse en l'honneur du
saint sacrement de lautel.



Jhesus souue
rain
prestre et vray
euesque qui te
offris a dieu
le pere hostie
sainte et im

maculee en lautel de la croix
pour nous miserables pecheurs.
Et qui as donne a nous pource
pecheurs ta chair a mangier et
ton sang a boyre: et as mys ce
myster en la vertu du saint espe
rit en disant toutelsoys que vous
ferez ces choses icy vous les ferez
en l'honneur de moy. O sire ie te
prie que ton precieux sang qui

est le grant pris de nostre salut.
Je te prie aussy par ceste meruei-
leuse et inuicomptable charite
par laquelle tu as ainsy voulu
aymer nous meschans et indi-
gnes pecheurs que tu nous laual-
les de noz pechez en ton precieux
sang. Je te prie enseigne moy ta
indigne chamberiere et seruante
par ton benouist esperit que ie te
puisse recepuoir en telle reuerence
et honneur en telle deuotion et
cremeur comme il conuient et
est requis. Je te requier fay moy
par ta grace tousiours de ce grant
mysterie croire et entendre sentir
et fermement retenir ce quil te
plaist et est expedient a mon
ame. Ton bon esperit entre
dedans mon poure cuer qui
y sonne sans son et sans es

mouuement de parolles. Et luy
bueilles dire toute verite de ces
grans et glorieux misteres. Car
certainement ilz sont trop par
fons et couuers de sacree couuer
ture. Pour ta grant et ta trel
doulce clemence octroye a moy
pource pechervelle que ie puisse
recepuoir ton precieux corps et
sang par pur cueur et par nette
pensee. Delivre moy doulx ie
fus des ordes mauuailes vaines
et nuisibles pensees: deffendz moy
par la feable et seure garde de tes
benoistz anges afin que les en
nemys de tous biens come con
fuz se departent de moy par la
vertu de ce grant mistere: et par
la main de ton saint ange: boute
hors de moy et de tous tes loyaux
amys le trelcruel esprit dorgueil

et d'appetit de vaine gloire blasphemie et ordure de vie de doubte de foy et de infidelite. Ceulx sont ent confondus qui me persecutent ennemy d'enfer. Jeulx ayent espoir d'anteur qui se hastent de perdre toutes choses de bien. Pour dieu roy des vertus amant de chastete et d'entierete par la roulee celestielle de sa sainte benediction estaint en mon cuer et mon corps tout nouuellement d'ardeur de luxure: affin que demeure en moy la teneur de toute chastete d'ame et de corps. mortifie en mes membres toutes desordonnees delectations et me done vraye et perpetuelle chastete avecques les autres biens qui te plaisent en verite: affin que par chastite corps et par cuer pur et net

ton precieux corps et sang ie puis
le prendre et recepuoir. Helas
en quelle contriction de cuer
et en quelle pureté dame et fon-
taine de larmes: et en quelle
grant reuerence et crainte et en
quelle grant chasteté de cuer et
de corps ce diuin et celestiel myste-
re doit estre honnore. Mon dieu
ou ta propre chair en verité est pri-
se et receue: ou ton propre sang
en verité est beu: ou les plus
basses creatures sont conuincues
aux plus haultes et souueraines
ou est la presence de tes benoistz
anges ou tu es doux iesus pre-
stre et sacrifice merueilleusement
et iracomptablement. Qui
pourroit mon dieu ce glorieux
sacrifice recepuoir et prendre di-
gnement se toy qui es tout

puissant ne faisoies le recepuant
digne. Je scay vraiment et con
fesse celle mesmes chose de ta tres
grande bonte que ie ne suis pas
digne d'approcher a si grant mi
stere pour mes tresgrans pechez
et mes infinites negligences.
Mais vraiment de tout mon
cœur ie croy et de ma propre
bouch ie confesse que tu peulx
nettoyer ce qui est conceu d'orde
semençe. Et doncques mon
tresdoulx dieu de bonnaire Je
te prie par ta glorieuse toute
puissance octroye a moy pour
pecherelle que ie puisse ton pre
cieux corps et sang recepuoir en
paour et cremeur et en purite
de cœur et fontaine de larmes
en leesse spirituelle et ioye celestiel
le. Ma pensee sente sente et ap

percoyne la douceur de ta be-
noiste presence et les saintes
gardes de tes benoistz anges soy-
ent entour moy. Car certaine-
ment en la remembrance de ta
tressainte et douloureuse mort
et passion ie approche de ton au-
tel. Ja soit ce que ie soye pour
pecher celle afin que ie recoyne
ton saint corps et ton saint sang.
ayn dieu ie te requier quil te
plaise que ce soit au iourdhy
mon grant et mon plain disner
et entiere refection de toy vray
pain pain de vie qui descendis
des cieulx et donnas vie au mo-
de de la chair digne et sainte de
toy doulx agnel sans souilleu-
re qui ostes les pechez du monde.
La quelle chair fut prinse du
saint et precieux ventre de la

bieneure vierge marie et con-
ceue de la vertu du saint esprit.
C'est assauoir affin que ie soye ras-
saiee et refrigerie et reconfortee
de celle fontaine de pitie qui par
la lance du cheualier decoulla du
coste du sauueur du monde cru-
cifie. Et que ie me esiouyffe
en ta gloire et en ta louange.
Je te requier par celluy glorieux et
sacre mystere du quel chascun io-
nous sommes repeuz et abbreui-
uez et lauez et sommes sancti-
fiez et faictz participans de vie
et souueraine diuinite. Donne
moy tes vertus desquelles quant
ie seray remplie en bonne et vraie
conscience ie puisse prendre et
recepuoir tes sancts sacremens
affin quils me soient salut et vie.
Oray dieu tu as dit de ta sancte

bouche : le pain que ie donneray
cest ma propre chair pour la vie
du monde. Qui me mengeue il
vit pour moy et il demeure en
moy et moy en luy. Je suis le pain
vif qui suis descendu du ciel : et
se aucun aura mengie de ce pain
il viura pardurablement. O pain
tresdoux et tressalutaire. O man
ne nullee aux yeux de ceulx qui
sont mortels. O grant plante
des choses viuant de terre. O tres
grande et plaine douceur des
anges. O viande delicieuse de
tous les benoistz saintz. O roy
eule refection des ames. O vray
ment benoiste salutaire et rassa
silement digne de toute aggra
blete qui n'as nul decroulement
qui oistes tout ennuy qui tues
toute mort et donnes toute vie

pardurable. **O** bienheureux
yeulx qui te voyent. **O** lumiere
trespure. **O** beaulte tressouefue
et tresamoureuse. **O** douceur
tresdebonnaire guaris le palais
de mon cueur ta poure chambe
riere pecherielle affin que ie
sente la souefuete de ton amour.
Guaris moy et tous ceulx et cel
les que iay recommandez en
mon oraison de toute langueur
de peche affin que nous ne sen
tons aultre douceur fors que
la tienne. **P**ain tressouef et
tres blanc qui as toute delecta
tion et toute saueur qui tous
iours nous rassasies et en toy
nullement ne deffaultz. **P**lai
se toy que mon cueur te men
geulle : affin que les entrailles
de mon ame soient emplies de

ta douceur de ta glorieuse saue.
Ton saint ange te mengeut au
plane boudx en ta gloire. Vneil
les que la pource pelletine selon
sa petitesse soit recree de ceste be
noiste viande : affin quelle ne
deffaille en la voye de ceste mortel
le vie. Pain saint pain vif
pain nect qui descendiz du ciel et
donnas vie au monde : vien en
mon cuer et me nectoye de tou
te souilleure de chair et desperit
O fontaine de misericorde vien
au iourdhuys et donne ta sain
cte chair et ton precieux sang
a la pource malade. Car besoung
nest a ceulx qui sont sains a
uoir medicine mais a ceulx
qui sont malades vien desire
vien a moy car ie suis la mes
chante qui ay peche vers toy.


Vien mon dieu et met en oubly
mon peche car ie suis celle pour
la quelle tu as espendu ton pre
cieux sang. **V**ien tresdoux dieu
et me donne la viande de salut
pardurable. **V**ien hostie sans
souilleure et sans ordure: deliure
moy de mort pardurable. **V**ien
viande des ieumans: vien me
dicine des malades: vien et vi
site ta maison que tu as ordon
nee a ton benoist et glorieux
nom. Et maintenant ie vien
a toy en qui iay mon esperance
et qui ie desire de tout mon
cœur: et qui couuoict de tou
te ma pensee qui de toutes mes
forces iembralle: de qui ie pres
et recoy le precieux corps et le
precieux sang. **O** vraie charite
en la quelle est pardurable fel

cite. Tu es ma seule esperance.
plaie toy mon seul dieu que
mon repos soit en toy: tu es ma
ioye plaie toy que mon cuer
tayme. Tu es mon tresor delur:
au quel nul est semblable. Mon
tresorilx seigneur ielus vien
maintenant en mon cuer. Vi
en affin que tous mes iours
tu demeures en moy et que par
durablement tu ne me delaisles.
Entre en mon ame guaris la et
la sanctifie dedans et dehors soys
asseurement et continuel salut
de mon corps et de mon ame: bon
te dehors de toutes pars les cre
meurs qui me guettent: fa
quils soient gettes loing de ta
puissance affin que ie soye des
fendue et dehors et dedans. Et
que par toy ie puisse paruenir

le droit chemin a ton benoist roy
aulme. Et non pas en musteres
comme on fait en ce temps cy.
Mais nous te verrons face a face
quant auras baillie le royaulme
a dieu le pere. Et dieu fera tou
tes choses en toutes choses. Ado
ques nous rassasieras de toy mel
mes merueilleusement et glori
eusement par tel que naitrons
iamais faim ne soit pardurable
ment. Amen.


**Autre oraison de melmes
pour rendre graces.**

Jesus mon tresdoulx sei
gneur et mon dieu gra
ces ie te rends que moy pecher
relle as daigne rassasier de ton
saint et precieus corps et de ton
digne et precieus sang. Et pour
ce mon tresdoulx dieu tout puil




sant ie te requier que ceste sain
cte communion ne me soit a
uigement ne a condemnation
de peine : mais me soit armeu
re de la foy et escu de bonne vou
lente : et euacuer de mon cueur
et de mon corps tous les aguets
de lemmemy denfer. Et aussy
par cestuy menger a moy poure
pecherresse tu laisses entrer ou
lieu ou est vraye lumiere et
ou sont les uistes et les benoi
stes iores pardurables. Amen.

Autre oraison.



Ie precieux sang qui yf
fuit du coste de nostre doulx
sauveur iesuchrist demeure
en moy indigne pecherresse :
au salut et proffit et au reme
de de mon ame en vie perdu
rable. Amen. *Autre oraison.*



Mon tresdoulx dieu ie te
requier que ce que iay
pris de bouche ie recoyue de
pure pensee: affin que du saint
corps et du precieux sang de
nostre seigneur iesuchrist soit
a mon ame remede pardurable.
Amen. *Autre oraison.*

Doulx iesus mon dieu
et mon seigneur la re
ception de ton corps et de ton
sang que moy indigne ay pre
sume a recepuoir ne me vien
gne pas a iugement ne a con
demnation: mais par ta pitie
elle me puille proffiter et la gar
der asseurement de ma pensee et
de mon corps. Amen.

Tresdoulx iesus ton saint
corps et sang que iay
receu ia soit ce indigne soit

enoinct a x entrailles de mon
ame: affin que ne demeure or
dure et souilleure ou tant :
sainctz et tant purs sacremens
sont entres. Amen.


Mon tresdoulx seigneur
iesuchrist ie te depue
par les sainctz sacremens que
iay prins par les merites de la
benoiste vierge marie et de tous
les glorieux sainctz que sur
toutes ta louange me puiſſe
venir a doulceur et a ta voule
te et obseruance et aulſy de tes
comandemens: et que en
toutes choses le monde me
puiſſe estre amer et toute la
couuortile de luy. Octroyes
moy cecy saulueur de tout
le monde. Qui vis et regnes
auecques le pere et le saint es

perit. Amen.


Don doux seigneur iesu,
christ vray filz de dieu iay
receu ton precieux corps pour nous
crucifie et appais ton glorieux
sang pour nous espendu cecy
me soit fait au salut et a la remis-
sion de mes pechez icy et perdu-
rablement. Amen. **Oraison**
auant que len recoyue.

Jesus nostre souverain sei-
gneur fontaine de sapie-
ce parolle et filz de dieu es souue-
rains cieulx iay approche au sa-
crement de ton precieux corps et
de ton precieux sang. J'ay appro-
che comme malade au medecin
de vie : come orde au laueement
de salut : come pecherresle et in-
digne a la fontaine de misericor-
de : come aveugle par tenebres

dignorance a la lumiere de dar
te pardurablement: come fresse
et souffreteuse au seigneur du
ciel et de la terre: comme au roy
de gloire. Et pour ce ie depye
labondance de ta largesse que tu
vueilles guarir mon enfermete
et maladie / lauer mon orduire
enrichir ma pourete espirituelle
vestir ma nudite. Et en la fin re
nouueller toute ma pource mi
sere affin que ie puille dignement
recepuoir toy mon tresdoux dieu
qui es le pain des anges et le sei
gneur des seigneurs par si grant
reuerence et crainte: par si grant
contrition et deuotion beniguite
et braye foy par tels vertus propos
et humilite comme il est expedi
ent au saulnement de mon ame.
Amen. *Autre oraison.*



O doux ielus et bening ie
uy maintenant ce que
ie conuiocte. O mon roy tresdesi
re et tresdebonnaire et de thres
doulce demence: ie tiens mainte
nant ce que iay eu en esperance
plaise toy que ie soye ioincte avec
ques toy aux cieulx ia soit ce que
ie soye indigne ie recor en terre
ton precieus corps et ton precieus
sang par quoy ioyeulement seray
a toy adioincte es cieulx. Je te
salue autel de dieu. Je te salue
sacrifice pur et nect. Je te salue
hostie sainte. Je te salue repara
tion de salut pardurable a ton
saint plaisir. Je prendray mai
tenant le pain celestiel et appelle
ray le nom de nostre seigneur.
Je te salue sainte chair et saint
sang du doux iesuchrist ma



souueraine souuerete et ma sou
ueraine doulceur mon salut que
ie doy adorer saulue moy en tou
te angouille et en toute temptati
on de ceste miserable vie : et en
tous perils de mon ame et de mo
corps es angouilles de ma mort
amere. Et me vueilles mener
sans souilleure et sans orduire
a la vie pardurable. Amen. ✱

Salutation de mesmes. ✱

Et te salue tres saint corps
de nostre seigneur de iesu
christ: ie te salue commencement
de ma creation. Je te salue le pris
de ma redemption. Je te salue vi
ande et reconfort de ma peregrina
tion. Je te salue le loyer de
ma retribution. Je te salue saint
sang de mon doulx iesus. Je te
salue vraie redemption des po


ures et meschans. Je te salue
remission des pechez. Je te sa
lue vie pardurable. Je pren
dray le calice de mon saulueur
et appelleray le nom de mon sei
gneur. Amen.

Oraison a dire quāt on a receu.

E precieux corps et sang
de nostre saulueur iesu
christ me soit en remission de
tous mes pechez et maynent et
conduysent mon ame a vie par
durable. Amen.

Autre oraison pour recepuoir.

Don trespoultz seigneur et
mon saulueur iesuchrist
filz de dieu le pere ouurant a ce
le benoist saint esprit par ta
mort as donne vie au monde
deliure moy par ton precieux
et sacre corps qui est roy en pre



lence de toutes mes iniquitez
et me fais tousiours obeyr a tes
comandemens et que iamais
pardurablement ie ne soye de
toy separee. Amen.

Pour saluer le corps de no
stre seigneur iesuchrist.


Ue verum corpus natu
de maria virgine.

Et te salue le corps de dieu
precieux. Qui as voulu nal
quir comme amoureux. De
marie vierge tressouueraine.

Mere passum immolatum
in cruce pro homine.

Tu as souffert en croix maulx
despiteux. Pour deliurer de tous
dessaule mortels. Par ta dou
leur ta creature humaine. ✠.

Uius latus perforatum
vero fluxit sanguine.



Ton saint costé quant souffrit ouuerture. **D**ray sang yllit qui purge la creature. De tous tes maulx et de dampnation. **E**sto michi pregustatum mortis in examine.

Pour ce te pry que par ta bonte pure. Quāt goulteray de mort en l'aduēture. **Q**uen toy puisse trouuer refection.

Dulcis. **D**oulx ie

sus de doulceur exemplaire. **P**ie

doulx ieſus qui es tant de bon

naure. **F**ili marie. **D**oulx

ieſus qui es filz de marie. **P**ro

picius esto michi peccatrici.

Vers moy pecherresse que ie te

puisse plaie. **S**oyes piteux affin

que sans retraire. **M**a pour ame

auec toy se marie. Amen.

Oratio pyssima ad filiū dei
que teste anselmo preseruare potest
a damnatione si singulis diebus
dicatur cum bona intentione.


O bone iesu: o dulcissi
me iesu: o pyssime
iesu: o iesu fili marie
virginis plenus mīa et pietate.
O dulcis iesu secundum magnā
misericordiam tuam miserere
mei. O dementissime iesu te de
precor per illum sanguinem pre
ciosum quem pro nobis peccato
ribus effundere voluisti vt ablu
as iniquitates meas et in me
respicias miseram et indignā
veritatem humiliter petentem et
hoc nomen iesu sanctum rīuo
cantem. O nomen iesu nomē
dulce nomen iesu nomen delec
tabile: nomen iesu nomen con

fortans. Quid est enim iesus nisi
saluator. Ergo iesu propter nomē
sanctum tuum esto michi iesus.
et salua me ne peream tu qui
plasmasti et redemisti me ne per
mittas damnari quem tu de ni
chilo creasti. O bone et piissime
iesu ne perdant me iniquitates
mee: rogo te piissime iesu ne per
das quam fecit omnipotens tua
bonitas. O dulcis iesu recogno
sce quod tuum est: et absterge
quod alienum est. O iesu beni
gnissime miserere mei dum te
pius est miserendi: ne damnes
me in tempore iudicii. Que uti
litas in sanguine meo dum de
scendo in corruptionem. Neqz
enim mortui laudabunt te do
mine: neqz omnes qui descendūt
in infernum. O amantissime


iesu. O desideratissime iesu. O a-
mantissime iesu. O mitissime
iesu. O iesu iesu iesu admitte
me in numero electorum tuorum.
O iesu salus in te credencium.
O iesu solacium ad te confugie-
cium. O iesu dulcis remissio
omnium peccatorum. O iesu
fili marie virginis infunde in
me gratiam / sapienciam / cari-
tatem et castitatem vt te possim
perfecte diligere / te laudare / te per-
teui tibi seruire / in te gloriari
et omnes qui diligunt hoc nome-
tuum quod est iesus. Amen. ✠

*Deuote oraison a nre seigneur q'on
doit dire au soir et au matin.*


Dieu benoist dieu ie croy
de cuer et confesse de
bouchx tout ce que sam-
te eglise croit et tient de vous et





que vng bon catholique doit de vous
sentir et croire. Et proteste cy deuāt
vostre figure que ie vueil viure et
mourir en ceste foy et y persenerer
toute ma vie et vous recongnors
mon dieu pere createur et redemp
teur de tout le monde: Et moy vo
stre poure creature subiecte et ser
uante vous fays la foy et hommai
ge de mon corps et de mon ame
que ie tiens de vous noblement
ainshy comme de mon souuerain
seigneur: avecques tous les biens
naturels/ spirituels et temporels
que iay que oncques ieuz et que
ie attens auoir de vous en ce mon
de cy et en lautre: et de tout mon
cueur vous en loue et remercie.
Et en signe de recongnouissance
vous paye de ce petit tribut au
matin et au soir: cest que ie vous




adore de cuer et de bouche en foy
en esperance et en charite de ceste
petite oraison qui tant seullement
appartient a vostre benoiste maie
ste seigneurie et diuinite. Et vous
requiers troyz choses. La premiere
de tant de mauix et villains pe
chez que iay faictz et commis con
tre vouiente le temps passe. La
seconde quil vous plaise me don
ner grace que ie vous puisse ser
uir et honnorer et accomplir voz
commandemens: sans encourir
ne encheoir en peche mortel. La
tierce si est que a la mort et a mon
grant besoing me vueillez secon
tir et donner grace: que ie puisse
auoir souuenance de vostre benoi
ste passion: et contrition de mes
pechiez: et que ie puisse mourir
en vostre sainte foy: et finable

ment paruenir a la gloire eternal
le: avec tous les saintz et sam
tes de paradis. Amen. 







Philip C. Duschner

RARE BOOKS
737 MADISON AVE.
NEW YORK 21, N. Y.

